

1. Maklumat di bawah berkaitan dengan keunikan pelbagai kaum.

Negara Malaysia merupakan sebuah negara yang unik kerana mempunyai rakyat yang terdiri daripada pelbagai kaum seperti Melayu, Cina, India, Punjabi, Kadazandusun, Iban, Orang Asli, Baba dan Nyonya, Portugis dan lain-lain. Setiap kaum menganuti agama dan kepercayaan masing-masing, antaranya termasuklah Islam, Buddha, Hindu, Kristian, Sikh dan animism. Kepelbagaian ini tidak menghalang rakyat Malaysia untuk menerima dan menghormati norma dan budaya kaum lain. Hal ini bertujuan untuk mewujudkan keharmonian dan keamanan. Kepelbagaian ini menjadikan rakyat Malaysia unik di persada dunia.

(a) Nyatakan nama pakaian bagi kaum berikut: [2 markah]

i. Punjabi

ii. Kadazandusun

(b) Terangkan kepentingan keunikan rakyat Malaysia. [3 markah]

(c) Wajarkah isu sensitif disebarikan melalui media sosial? Bincangkan alasan anda.

[2 markah]

(d) Jelaskan cabaran yang dihadapi dalam mengekalkan keunikan rakyat Malaysia. [3 markah]

2. Gambar di bawah memaparkan masalah sosial yang berlaku dalam kalangan remaja yang semakin merisaukan pelbagai pihak, terutamanya ibu bapa dan guru.



(a) Apakah perasaan anda setelah membaca tajuk berita tentang kes salah laku remaja di atas? Berikan alasan anda. [2 markah]

(b) Berikan contoh gejala yang berlaku dalam kalangan remaja. [2 markah]

(c) Jelaskan punca murid sekolah terlibat dalam gejala budaya vape. [3 markah]


(d) Jika anda melihat kawan baik melakukan kes salah laku, apakah tindakan anda berdasarkan prinsip keadilan? [3 markah]

3. Gambar di bawah berkaitan dengan kes penipuan dalam talian yang sering disiarkan di media massa.



Berbagai-macam kes penipuan dalam talian yang bertmbun dilaporkan, antaranya Macau Scam, penipuan pinjaman, pelaburan, Love Scam dan seumpamanya.

- (a) Nyatakan tiga punca berlakunya kes penipuan dalam talian. [3 markah]
- (b) Jelaskan kesan jika seseorang individu menjadi mangsa kes sebegini. [4 markah]
- (c) Gambar berikut menunjukkan mesej yang sering diterima oleh pengguna media sosial.



Jelaskan tindakan yang patut diambil oleh seseorang individu yang menerima mesej seperti di atas. [2 markah]

- (d) Namakan portal rasmi yang bertanggungjawab untuk menyemak kesahihan maklumat. [1 markah]

4. Gambar di bawah menunjukkan Misi Kemanusiaan Bencana Banjir.



- (a) Nyatakan maksud perikemanusiaan. [2 markah]
- (b) Berdasarkan gambar di atas, jelaskan perasaan anda sekiranya anda adalah mangsa banjir. [2 markah]
- (c) Huraikan dua bentuk bantuan yang boleh diberikan kepada mangsa banjir tersebut. [4 markah]
- (d) Berikan kesan jika nasib mangsa banjir diabaikan. [2 markah]

5. Maklumat yang berikut adalah berkaitan dengan kepentingan mengisytiharkan cukai pendapatan dalam kalangan rakyat.



Cukai pendapatan merupakan salah satu sumber pendapatan negara bagi membolehkan kerajaan merangka bajet tahunannya. Kerajaan perlu memastikan pendapatan negara boleh menampung perbelanjaan tahunannya supaya setiap projek yang dirancang dapat dijalankan dengan jayanya. Bagi mereka yang baru bekerja ataupun telah memenuhi syarat akan dikenakan cukai pendapatan. Anda tidak perlu berasa takut atau risau untuk mengisytiharkan pendapatan anda. Malah, siapa sangka anda akan dapat lebih cukai lagi.

- (a) Andaikan anda adalah kakitangan kerajaan. Apakah tindakan yang wajar dilakukan sekiranya mendapat arahan untuk membayar cukai? [3 markah]
- (b) Apakah kepentingan cukai kepada negara? [3 markah]
- (c) Ramalkan kesan terhadap negara sekiranya rakyat enggan membayar dan mengisytiharkan cukai. [2 markah]
- (d) Cadangkan usaha yang boleh dilakukan untuk menyedarkan masyarakat membayar dan mengisytiharkan cukai. [2 markah]

## Soalan Esei Bahagian B

1. Gambar menunjukkan amalan bergotong-royong dalam kalangan penduduk di sebuah taman.



(a) Senaraikan contoh amalan norma masyarakat lain. [2 markah]

(b) Bincangkan kepentingan amalan norma masyarakat yang telah diamalkan oleh penduduk tersebut. [8 markah]

2. Gambar berikut berkaitan dengan isu sensitif.



(a) Senaraikan isu sensitif yang menyebabkan berlakunya rusuhan kaum. [2 markah]

(b) Pada pendapat anda, apakah peranan anda sebagai warganegara Malaysia? [8 markah]

## Soalan Esei Bahagian C

1. Keratan akhbar yang berikut adalah mengenai kejayaan beberapa orang murid yang berjaya mengharumkan nama negara di persada dunia.

### 6 murid menang anugerah Pertandingan Pendidikan Robotik Dunia 2019

Mohd Amin Jalil - Januari 11, 2020 @ 4:19pm  
bhnews@bh.com.my



Dr Mohamad Rafie Malek (tengah) bersama pemenang kategori inovasi. - NSTP/Mohd Amin Jalil

SEREMBAN: Enam murid mengharumkan nama negara apabila memenangi dua anugerah terbaik pada Pertandingan Pendidikan Robotik Dunia 2019 (WARC 2019), di Shanghai, China.

- (a) Apakah cara lain yang mampu mengharumkan nama negara di persada dunia selain menyertai pertandingan antarabangsa? [4 markah]
- (b) Terangkan kepentingan mengharumkan nama negara di persada dunia. [8 markah]
- (c) Pada pendapat anda, bagaimanakah murid-murid di atas berjaya memenangi anugerah dalam pertandingan tersebut? [8 markah]

2. Gambar di bawah menunjukkan rakyat berbilang kaum di Malaysia.



- (a) Nyatakan agensi yang bertanggungjawab memupuk perpaduan dalam kalangan rakyat yang berbilang kaum di negara kita. [4 markah]
- (b) Bagaimanakah anda sebagai rakyat Malaysia dapat memelihara dan mengekalkan perpaduan rakyat Malaysia yang terdiri daripada pelbagai kaum dan budaya serta kepercayaan yang berlainan? [8 markah]
- (c) Ramalkan kesan terhadap negara jika semangat perpaduan tidak dapat dipupuk berdasarkan nilai-nilai universal yang telah dipelajari. [8 markah]

Skema Ulang Kaji Percubaan